

8091
1648
STRONG
M102

增修翼乘序



夫邑必有誌以誌山川風物
接踵芳賢使後來者流覽觀
感原與古列國史相為表裏
甚盛典也但誌與史不無所

異史則兼誌善惡以昭法戒
故嚴于遠而寬於近如春秋
定哀之際多微辭是也誌則
去惡存善以示興起故存其
遠而增其近使景行於灼見

益足以動其翻然勃然之思
是誌之藉于增修較創始為
更甚予竊仕得翼有以翼乘
進者竊念翼為平陽屬邑古
帝堯之所都也其開天聖蹟

必載所未脩亟披閱之其中
所著大約與柘柘州晉問相
近而介山丹墓相趾遺勲與
忠孝節義之事果迥異他邑
流連久之惟戊申浚事尚未

載入夫風氣漸開時賢迭出
殘缺若是何以昭示來茲修
之誠亟也雖然誌實錄也曾
子固有言托之非人則書之
非公與是不足以行世而傳

浚則修之又不易也過

侍御上官公讀禮于家其不
阿之弊素所著聞未有在朝
能為司直在野不為童狐者
即以其事請幸毅然自任佳

襄事不棄其人而提綱挈要
則公靡多讓且每帙成必下
示于余余細閱之皆增所宜
增去所宜去而叙次褒揚必
合乎人心之同而不私所好

則公誠子固所謂蓄道德而
二文章者又奚患于徇與惑
之謂哉是舉也不特為邑誌
光而且堪與信史並矣其有
裨于觀感豈淺鮮哉

清順治拾肆年歲次丁酉孟

夏吉旦

賜進士第文林郎知翼城縣
事古榆林胡獻璠書於四

知公署



續補美序

余不佞忝家以然壇簡任風紀則觀風
問俗者余之所司事也惟者奉
子之節巡以美藝所至備廣舉墜
賑多卹寡固不克殫厥心而足重者
首在子庶民之治以士大夫之端

良兩者並重而禮之凡以爲禮忽之闕
不可不三致意云此宋濂禮山居畢
慮國史目爲完古人之藏名取而鏡
之抑亦當世爲失之林北通

邑文以胡侯蘭爲常事收銳之興故廬以
孫補邑志洪及版居諸名案維爲志

云脩孫在弟曆戊申於乙卯
年鮮奇振興是柔者則僊補之
役以爲緩而害之爲輕而害重
若之何可不設慮況乎夫山川形
勢名蹟遺跡前人之志備矣使有
鍛文之士奮筆揚休摘華振藻知要

臣以為竊將是數十年來大兵大寇
大荒大疫未曠母未常見之事高
宗而空遇之者此重穰之義我朝
詳上於冊至於司牧之官及斯民之
責而士大夫尤民之望也亦皆之
士者出曰其此庶役之臨者乎

臣去而知奮焉已齊不肖而臣
而知懼焉不然去可以不補也
此卿者書曰其也賈後之服者
去而知勉焉已齊不肖而臣
內省焉不然去可以不補也若夫科名
徵人材之盛而臣者其個化之業

榜名實賜言簡編後裔報而論其
者一代之風俗將在乎是矣是故李
後昆指方古至碑、銘、於後世之
中者之不具論後之名官如李漢
李侯完平李侯程卿李侯波上趙
侯永城國侯王城捕侯連左胡侯

卿賢如同昭呂君中台中右監司劉
君郡丞王君高君司李鈔君君而
人咸來往是邦而循良著績咸生
長茲鄉而豐刑無師安得不為表
章使天下百世之後仰止則哲而
然為景川之思如公曰堂河亭而

在澠公之風徽對滄月而懷張侯
之清鑒以及後魏初唐元宋諸侯
宗伯業推重維新烏在其後矣
是揆乎余所志之續補以爲繼而
庶幾以爲釋而富者蓋在正外
不問其讀極定元音聞一篇唯有

茅茨土型經齊先王之遺風其山
陲園物產畜植諸論彬乎三都
宏富而昭躋之文強之訓則已彰矣
此澤唐諸儒之采聞道哉其去致
致於今人君子未久而異之定官者
詳已不詳之可哀其書之所在矣

古者太史陳詩以觀風俗時列國貢
瑶好尚咸仍達諸

子嘉祐之末隆在周轍縣東以浚而
孝惠之世鄭武公入為司徒晉侯
擇王於鄆王個從振造乎平王之
少十九年魯隱公之元年葛藟

終遠兄弟之刺周人晉束薪蒲萋
之織乃為多夫子箴削所始厥
後漢書成於班固蔡邕隋書成
於魏徵唐及五代成於歐陽文忠
三國成於陳壽宋史成於脫之歷
稽前史代有其人唯朱子綱目稱

為史中之冠此所以繼述而能
志之史不同於雅道開來微顯
南函之關係世道人心為之鉅書
之子臨美不彰莫為之後臨感不
傳子曰夏禮吾能言之杞不足徵也
殷禮吾能言之宋不足徵也余幸得

諸君復得以序鈔補缺佐之矣庶
幾文獻可考而不致噪於杞宋之無
徵後之君子之於文獻之盛人心之思
者幸無世視之也



父子不同風其於世也

序

清順治十年歲次丁酉孟夏

賜進士第文存印山東道監察御史

忠邑人上官鉅撰



異果卷之十

獻徵部二

者舊志上

論曰博物記云沃土之民不才漢興必有名人
大冢冠三世者此大不然衛范狐裴往賢桑梓
翼於文獻則彬彬矣昭代作人濟濟多士其
間世焉忠貞家敦醇謹言為世範行為世儀者
固自不乏昔趙文子與叔譽遊於九原曰往者
可作吾誰與歸我則隨武子乎利其君不忘其

身謀其身不遺其友典刑如在百世可師也
春秋師服事晉穆侯為大夫初穆侯之夫人姜
氏以條之後生太子命之曰仇其弟以千畝之
戰生命曰成師師服曰異哉君之名子也夫名
以制義義以出禮禮以體政政以正民是以政
成而民聽易則生亂嘉耦曰妃怨耦曰仇古之
命也今君命太子曰仇弟曰成師始兆亂矣无
其替乎咎侯之元年封成師為曲沃伯是曰桓
叔使欒賁傳之師服曰吾聞國家之立也本大

而末小是以能固故天子建國諸侯立家卿置
側室大夫有貳宗士有隸子弟庶人工商各有
分親皆有等衰是以民皆服事其上而下無觀
覩今晉甸侯也而建國本既弱矣其能久乎七
年潘父弑昭侯納桓叔不克其後晉竟為曲沃
所滅如師服之言

士蒍字子輿陶唐氏裔也歷虞夏商周成王遷
之於杜為伯宣王殺杜伯其子隰叔奔晉為士
師故為士氏獻公之六年公患桓莊之族偏以

問士蒯士蒯曰去富子則群公子可謀也公曰
爾試其事士蒯與群公子謀富子而去之七年
又與群公子謀殺游氏之二子士蒯告晉侯曰
可矣不過二年君必無患八年士蒯使群公子
盡殺游氏之族乃城聚而廢之冬晉侯圖聚盡
殺群公子九年士蒯為大司空夏士蒯城絳以
深其宮是年虢人再侵晉晉侯將伐之士蒯曰
不可虢公驕若驟得勝於戎必棄其民無衆而
後伐之欲禦戎誰與夫禮樂怒愛戰所畜也去

昭遠世非王業所因乃止出為陸渾令輒棄官
去時散騎常侍解琬亦罷歸相與覃思經術訢
訢然張說表薦擢禮部員外郎轉國子監博士
馬懷素緒定秘書奏知章正文字每休沐講授
不輟性和厚人不見有喜怒於易老莊書尤縣
解弟子貧者調恤之未嘗問生產業其子欲廣
市樵米為歲中計知章曰如而計貧人何以取
資且吾尚應奪民利耶諠傳多行於世門人孫
季良奏頌其德刻著東都國子監門外祀鄉賢

宋張會元仁宗朝鄉舉累舉進士不第退而講授於學一時人才彬彬有造篆工修文廟先聖賢像文滌公記稱之載學官志祀鄉賢

金楊時餐之次子大定四年以本縣人為本縣尹勤撫字戒貪殘教民力本民化醇朴災致刑措咸歌頌焉

元楊宜時玄孫以本縣人任本縣尹為政廉明善謀斷事具墓表中元沁州學正段天章撰也表略云君諱宜終之翼城石鄭庄里人魯大父

時大定間為翼城令時生材材生嚴與榮俱充絳州錢穀使榮生石及福達君形貌魁碩有識慮值貞祐之變金主南渡河北群縣盡廢兵凶相仍寇賊充之乃石壻後弟琛仁海義娃紹先茂先乃奮然興心帥鄉黨族屬約束自守及太師以王爵領諸將兵來畧地遂以衆歸之投於行間超陞行太元帥府鎮翼表授忠勇校尉佩銀符守平陽四明主管義軍福知龍平縣事遷佩金符金臺府巨官時青龍鰲背葛伯彈平諸站

未降互出攻鑿肆為剽劫君暨琛等悉平之民
賴以安及塔海都元帥西征庸蜀辟琛為先鋒
君與焉凡所攻拔不避矢石屢有成效凱還君
以勞遂授今職君之為治也不事表襮而民愛
之不任刑罰而民畏之作事必為遠計使人守
其成法縣之東山炭窟年歲既久茅斨益深屢
有圯壓之患君相視其地創為開置民甚便之
邑之南川水利既田甚廣數村爭訟不已君為
之平服其平土今以為定例民立祠祀焉

莊凡三十餘年無火玷闕至元元年冬十一
庚辰塋於百草嶺上馬跑泉側男三孟汝直襲
君職仲汝舟授本縣丞俱有能名季汝霖隱德
不仕延祐三年春志

楊琛初名俊宜從弟與宜蕩平諸賊砦以功行
翼州元帥事金人執虎符白麻招之俊戮使者
以聞特降令符為征行元帥取河中興元與塔
海下蜀淮金活數萬口從車駕攻河南破蔡州
宣授千夫長佩金符賜名琛

楊思忠 佳子也 以本縣人為本縣軍民長官 愛民如子 民非有大過 不加箠楚 徭役賦稅 皆有成例 不為民害 至元二年 遷聞喜 父老攀轅泣送者千餘人

楊權思 孝子 以本縣人為本縣錢穀使 不私羨餘 僚友服其廉 人皆德之

郭徇 徇 唐城坊人 一統志云 父寧為欽察先鋒使 首領官戍大良坪 宋將史太尉來攻 夜陷大良坪 寧全家被俘 史將殺寧 徇年五歲 告史

曰 勿殺我父 當殺我 史驚問 寧曰 是兒幾歲 寧曰 五歲 史曰 五歲見能為是言 吾當全汝家 即以騎送寧等往合州 道遇國兵 騎驚散 寧家俱得還 御史以事聞 命旌之 祀鄉賢

屈繼平 以程朱之學為當時學者倡 門人號曰北城先生 事具墓碑 中太常博士侯均撰也 碑云 先生姓屈 諱繼平 字正卿 晉之翼城人 祖以二名失於兵 考名真 字子正 晦德弗輝 姚闔氏先生遭天弗吊 七歲而孤 性敏強 記鄉儒柴奉

先大奇之曰子可瘳矣遂以女許之供其朝夕
俾就學焉習舉子業於鄉先生崔良佐詩文大
出時輩至元十三年以鄉試中式遂得儒宮版
籍生平手不釋卷好獎誘後進極為鄉間所推
重晚得程朱義理之學即濯去科舉餘習每以
所得誘進學者喻以為入之道故翼之儒者知
其程朱之學自先生始大德元年二月十七日
以壽卒至八十是月十八日葬於邑古澗之西
先塋之北祀鄉賢

張遵信字誠之陵下人幼習舉業大德間鄉薦
與兄友愛甚至晚從臨川先生吳澄學聖賢之
學得體認之實至大間任本縣學諭擢晉府經
歷掌扁堂曰時思臨川為之記

楊守則異城人初授翰林院檢閱官遷內臺御史
陞戶部侍郎再遷大都河間縣總管祀鄉賢
郝溫由大學士舍累官四川行中書省郎中遷
夔州路總管

翼乘卷之十

獻徵部二

看舊志下

本朝高州譚村里人洪武乙丑登進士第授刑部主事陞郎中一日

太祖皇帝微行過其家見妻紡織翌旦早朝賜絹以旌之蓋異數也祀鄉賢

劉平下陽里人洪武間以人才舉授江西宜黃縣令負擔至任廉介寡合時有政聲及秩滿歸

邑人爭送之平曰昔負檐來今負檐去宜也何
用送為求樂三年甲申勅賜冠帶以旌之祀鄉賢
王錫寺庄里人累官右通政為人忠厚肅動不
事修飾寮采敬愛朝廷呼為老實王詳載名

臣錄祀鄉賢

戴麟東鄭里人授山懷莘縣令有惠政秩終致
仕民立祠祀之

王泰什級里人以進士初令儀封至南刑部員
外郎以祖母老奏乞終養服闋復職值宦瑾用

事索賄公曰以賄護官非吾志也遂乞歸瑾諒

詔起福建按察司副使至山東按察使右布政

正德十四年致仕性至孝閱書萬卷手不能釋

莊重沈默服食簡朴居官清正未嘗阿人以干

養中丞林公見素薦於冢宰楊遂卷云凝重剛

介不末聞達乞養老練溫粹類貫道孤特類公

實而量過之輕得喪區區尚在下風掌內臺以

風望天下可也所撰邑中諸記俱載蓋實有其

文云詳載名臣錄祀鄉賢

周義仁陵州知州清白自守卒十年不能葬嘉
靖二十六年知縣鄔桂枝具棺柳禮儀自為祭
文葬之觀者為之流涕云文曰公之喪也若干
年今猶未定者非忍也公居官廉謹貧有以致
之也枝履翼已四年今始得聞公者非昧也天
欲彰公之清德夫有許待也噫公殞雖遲公名
愈著使翔山之人稱之曰某居官守己貧不能
謀其身高節清風麗我後人則公之死亦為瞑
目矣嗚呼花萼交輝簡良貽警有如公者則可

不於古人求之耶

周禮義之弟正德九年任河間府判清介自持
簡易御下交誼篤至陞深州守卒于官囊橐蕭
然衆皆悼之

周道北唐里人以陝西延安府推官丁外艱服
闋補楊州有犯法當死者權要以書俛之道不
從舉正其罪後權要排之遂遷陝西鞏昌府判
監督甘肅倉場抑奪豪貴每歲省官銀三萬餘
兩人多忌之丁內艱道曰如此尚可以仕乎遂

養高不出道性和易謙謹與物無競然至居官
守法確乎不可撓也

胡鑄白馬里人仕河南開封府通判蕪靜自持
糧儲悉當天旱禱雨輒應郡人高承宗等作詩
以歌之陞陝西邠州知州致仕公忠實不事巧
偽居鄉里恂恂無競杜門自守而已未嘗私謁
公府近市囂也

王松字安節什級里人官至榮澤王府教授平
生安貧嗜學所著有易繫辭解洪範五行解定

性書解通書箋解等篇谿馬先生稱其立言有
光贈之以詩祀鄉賢

吳夢麟廷贊之子累官至苑馬寺少卿居官苞
苴不染水菓之操老而愈篤及歸圖書蕭然人
稱苦節大夫祀鄉賢

趙進張里人初仕陝西峽山縣令均差役懲
豪民調河南祥符令丁內艱服闕補直隸博野
縣令以御史薦陞山東沂州守在任五年致仕
性孝友謙牧周慎輿論推重焉

劉珣恭議志之父也剛毅正直不為習俗所移時
翼易無傳公博聞強識夙夜鑽研力久乃得貫通
遂講授不怠建草舍數十間弟子日增幾至百餘人
故翼之易學大盛皆公之源流也登科者如李灝
等五六人然講論之際多依於孝弟以身率人不
正語言文子之學也累試于鄉不第遂貢為太學生
授河南洧川訓導洧川士素不開子史且不諳經書大
義公親為講解多所發明六年致仕祀洧川名宦以
子貴封戶部主事公性質樸自奉甚儉至族黨有
不能婚葬者必給貲以助之友過多所面折然
其人終無怨也操持右而愈篤輿論歸重焉祀
鄉賢

劉志勇桐坊人以進士任戶部主事至右叅
議奉旨歸養母曹氏同寢食二十年如一日
自奉甚薄有父風至地方利病有可言者即達
之上官不以自嫌當道禮餽辭弗受邑人追誦
之御史俞時稱為古君子都御史張松榜其門
曰孝廉祀鄉賢

王熙 字級里人松之子以歲貢任保定府訓導學有家傳不尚紛華二兄蕩盡資產公以已業分給之保定勸課多士寒暑不輟祀鄉賢劉應聘端立簡易不事浮靡初令臨潼造士均徃清粮戢奸邑人于驪山建祠祀之佐懷慶以濬築黃河蓮花口特膺欽賞署修武多善政邑人為之建祠守臨洮入祀名宦整飭環慶大獲捷功居鄉條釐利弊樂善好施翼於今稱焉

史學遷傳聞強記夙負偉畧令威以寬令滑以嚴撫善戢暴百度肅然擢御史屢巡直省指陳時事抗直不撓多載名臣奏疏所刻如常熟令楊璉保定李張銓後皆為時名臣鄉里倡脩東山煤徑陵下橋梁義舉甚多居家視弟學光友愛敦篤築怡怡堂都人士為詩歌以美之憫翼俗古禮久廢編四禮畵一冊著有四書心言麟經三易草祀鄉賢

高登明生而悟著書授徒開翼祀經之傳居官仁政種種尤加意作人科第多出門墻屢舉

卓異監司檄各屬會取法則晉祀名宦載秦省
通誌里居十七年督撫累疏舉之未出輿論重
之祀鄉賢

王三錫初任成邑山僻民貧地有利而民不知
公濬渠墾荒種綿教織建水磴開煤山民建祠
以祀守滄郡聞一清如雪之謠有油盜感公德
政還之境上分佐寧夏靖劇寇楊昶紀功司馬
事母至孝九十三歲如一日行誼端方數飲于
鄉邑人稱之

張一相治掌四載均平徭役捐俸建桂香閣以
課士如孫肇興輩藉公甄陶為當世名儒至今
邑人歲時致祀

張第簡靜敦朴為諸生時條陳聘儀以整俗
奢勸諸貞珉永為民便

符非尹新安時勤心拊字為民慈母居家孝
親訓子里頌長者祀鄉賢

陳嘉謨篤學敦行每以忠孝自勵訓遠左殉節
祀鄉賢

史可觀御史學遷之子以庠士授例任文華殿
中書加鴻臚少卿孝友勤慎歷官清白能成先
訓甲申之變有勸其入山暫避者公毅然曰吾
世受國恩而思苟免無論愧吾心且何顏以對
吾父乎從容自經遺詩數章可謂忠孝兩全
呂維寧寬弘有度典銓政清介自持苞苴不崇
掌計黜陟公明朝諭咸服居鄉坦懷示人無驕
矜色

錢國用雅嗜古道廉隅自飭本鳳翔繁已愛民

登奸剔弊舊瑞藩食鹽河東小縣及秦晉公請改

食川鹽公私便之居喪盡哀不盡禮邑中利弊所

關力爲區畫如蒙馬被誣案據確詳確閤邑食福

上官薦聰敏嗜學嘗下帷花香館白駒山房事

王父母父母以純孝稱居喪哀毀踰禮視弟侄

教養備至養予不較益天性孝友云邑有大利

弊如固防禦併里甲辦牛站皆力爲籌畫脩學

官脩陵下橋梁首捐百餘金其他不可枚舉生

平謙冲雅度雖諸子既貴一無矜色賓于鄉士